

PSB - Bahagian Arkib

From: UUM CORPORATE COMM.
Sent: Monday, 23 December, 2019 10:04 AM
To: UUM - All Staff; UUM - All Students
Subject: HASIL JUALAN TUDUNG TAJA SARAPAN PERCUMA



UUM Corporate Comm.
Universiti Utara Malaysia

23 DISEMBER 2019 / 26 RABIULAKHIR 1441H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: SMMTC

HASIL JUALAN TUDUNG TAJA SARAPAN PERCUMA



UUM ONLINE: Kaya dengan sifat pengasih dan prihatin terhadap mahasiswa yang memerlukan mendorong Pusat Pengajian Teknologi Multimedia dan Komunikasi (SMMTC) membuat jualan amal demi memberi sarapan percuma setiap pagi.

Pengarah Projek, Dr. Adibah Ismail, menerusi Projek Jualan Amal Tudung Terpakai yang dianjurkan oleh Jabatan Komunikasi ini merupakan sebahagian daripada inisiatif Jabatan untuk membantu para pelajar yang memerlukan.

“Dengan cara ini para pelajar SMMTC kini boleh menikmati sarapan percuma yang diedarkan setiap pagi selama dua minggu di sekitar foyer yang memberi tenaga dan menjadikan mereka lebih fokus dalam kuliah.

“Antara menu sarapan yang disediakan seperti nasi lemak, bihun goreng, roti, minuman kotak dan air mineral turut menampilkan menu yang berbeza setiap hari bagi memberikan kelainan kepada pelajar.

Menurutnya, idea projek ini dicetuskan oleh Ketua Jabatan Komunikasi, Prof. Madya Dr. Haslina Halim mensasarkan agar Jabatan menganjurkan aktiviti berbentuk khidmat masyarakat untuk menggalakkan penglibatan aktif kakitangan akademik memberi sumbangan kepada komuniti setempat bermula dari dalam kampus terlebih dahulu.

“Projek Jualan Amal Tudung Terpakai telah mendapat sumbangan yang memberangsangkan daripada individu yang bermurah hati mendermakan tudung-tudung terpakai untuk dijual dalam jualan amal tersebut,” ujarnya.

Tambahnya, tudung terpakai pelbagai fesyen dijual seperti selendang dan tudung segera termasuk daripada jenama terkenal yang dijual serendah RM5, RM3 dan RM1.

“Saya sangat hargai sokongan para penyumbang. Bukan sahaja kotak sumbangan tudung yang diletakkan di foyer sentiasa penuh malah penyumbang dari seluruh negara juga sanggup menghantar sumbangan mereka melalui pos.

“Terima kasih juga kepada staf atau pelajar yang telah sudi membeli tudung-tudung terpakai tersebut bagi menyumbang dana kepada projek khidmat masyarakat yang dirancang oleh Jabatan,” katanya.

Memandangkan sambutan yang diterima sangat menggalakkan, Jabatan bercadang untuk meneruskan Projek Amal Jualan Tudung ini bagi mencari dana untuk disalurkan kepada pelajar yang memerlukan.

Selain sarapan percuma, sebahagian lagi wang kutipan hasil jualan tersebut akan disalurkan kepada komuniti yang memerlukan melalui organisasi yang akan dikenal pasti kelak.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.